

Kullorsuarmit nutaarsiassat.

Ukioq 2003-miit ilagiittut ingerlalnitsinniit katerittarnitsinni ikiliartuinnavissimal-luta kiisami 2016 ukiaaneraniit nutaanik peqataasoqartalersimavoq, ukiullu 2017-ip ingerlatilernerani peqataasartut amerliartuinnaalersimallutik. Páskip ornilernerani naluna-lunaartoqarpoq morsutsitaarusuttunik inunnik marlunnik, sapaatillu tulliani morsutsitaajumallutik qinnuteqartut allat marluk nalunaarlutik. Tamanna pissuti-galugu aaliangerpugut páskip aappaani inuit sisanat morsutsitaassasut. Kisianni pá-ski tikileraalu morsutsitaasussat ilaasa pingasut aanaavat Nuummiilluni nap-parsimavissuar-mi toqorpallappoq. Taamaattumik morsutsitsinissaq kinguartis-simavaat. Peqatigitiullu-gu alla ataaseq aamma qinnuteqarpoq morsutsitaajumalluni. Sapaammi 23. april inuit pingasut morsutsippagut, allat marluk kinguartitsigallartut.



Oqaluffinnguarput ulikkaaginnarlugu naalagiarput

Morsutsitsinissaq ulluni arlalinni piareersarnikuuarput morsutsitaasussat ilinniartil-lugit. Taamanikkullu páski ornimmagu oqaatsit biibilimeersut Jiisusip toquneranut toqusuni-illu makinneranut tunngasut assut pikkugineqarlutik nuannarineqarlutillu morsutsitaa-sussanit tigulluarneqartarput. Soorlu biibilimi allassimasut ilaat: “Ilineqarpoq narrunartoq, makissaaq naalannassusilik, ilineqarpoq sanngiitsoq, makissaaq pissaasoq. Siaruarterneqarpoq timi tarnip pia, makikkumaarporli timi an-ersaap pia” morsutsitaasussat ila-an nut assut nuannaalersitsipput.



Morsutsitaasut pingasut, saamilleq taperpillerlu qatanngutigipput.

Ilagiittut ingerlanitsinni ukiut ingerlanerini ilaanni pingasuinnannguulluta katerittarsimalluta, oqarsinnaalluta nikallujuisaaqaluta katittarnigut ingerlattarsimagatsigit ulloq taanna pi-soq assut nuannaarutigisimavarput. Naalakkamummi qinujuartarsimavugut issiaviit in-oqanngitsut inulersoqqullugit. Naalakkap ajugaqanngissusia misigisarsimagatsigu suli an-nerungaartumik ajugaqanngissusia misigeqqittarparput ulluni makkunani. Ilumummi Naa-lagaq tupinnaqaaq.

Ullumi 30. april naalagiarnitsinni alla aamma nalunaarpoq piinsimi morsutsitaarusulluni. Suliassat takkussortut nuannaarluta sularisarumaarpagut. Sulilu annerungaartumik Aner-saap Illernartup ingerlatsinera oqariartuutigeqqusaalu naalaarnerullugit suliassat takkus-sortut ingerlakkumaarpagut, taassumami kisimi ilinniartillutalu qanoq iliornissatsinnik tik-kuussortarpaatigut.

Atuartussat tamaasa Naalakkap Pilluaqquligit!

Niisi, ilagiillu Kullorsuarmit